



MINNISBLAÐ

Viðtakandi: Skóla- og frístundaráð

Sendandi: Helgi Grímsson, sviðsstjóri skóla- og frístundasviðs

Efni: Ráðning í stöðu leikskólastjóra Funaborgar

Starf leikskólastjóra í Funaborg var auglýst á vegum Reykjavíkurborgar til umsóknar á vef borgarinnar undir auglýsingum um laus störf og í Fréttablaðinu 14. mars 2019 í samræmi við 2. gr. í fylgiskjali 4, um réttindi og skyldur starfsmanna Reykjavíkurborgar í kjarasamningi LN og KÍ vegna FSL. Umsóknarfrestur var til og með 1. apríl 2019. Ráðið verður í leikskólastjórastöðuna frá og með 1. júní 2019.

Í auglýsingu var meginhlutverki leikskólastjóra í Funaborg lýst þannig:

- Vera faglegur leiðtogi leikskólans og móta framtíðarstefnu hans innan ramma laga, reglugerða, aðalnámskrár og stefnu Reykjavíkurborgar.
- Bera ábyrgð á daglegu starfi í leikskólanum.
- Skipuleggja foreldrasamstarf í samvinnu við foreldra og starfsmenn.
- Hafa yfirumsjón með innra mati á starfi leikskólans og umbótaáætunum.
- Hvetja til þróunar og nýbreytni í leikskólastarfi.
- Stýra rekstri leikskólans á grundvelli fjárhagsáætlunar.
- Bera ábyrgð á starfsmannamálum, svo sem ráðningum, vinnutilhögun og starfsþróun.
- Skipuleggja tengsl skólans við ýmsa samstarfsaðila.

Í auglýsingu um starfið voru eftirfarandi menntunar- og hæfniskröfur gerðar til umsækjenda:

- Leikskólakennaramenntun og leyfisbréf leikskólakennara.
- Viðbótarmenntun í stjórnun eða kennslureynsla á leikskólastigi.
- Reynsla af stjórnun æskileg.
- Stjórnunarhæfileikar og vilji til að leita nýrra leiða.
- Þekking á rekstri, áætlanagerð og fjármálastjórnun.
- Lipurð og hæfni í samskiptum.
- Sjálfstæði og frumkvæði.
- Frumkvæði í starfi, sjálfstæð vinnubrögð og skipulagshæfni.

- Góð íslenskukunnátta og hæfni til að tjá sig í ræðu og riti.

Óskað var eftir að umsækjendur skiluðu greinargerð um framtíðarsýn sína á starf í leikskólanum með umsókninni.

Þrír sóttu um leikskólastjórastöðuna en einn umsækjandi dró umsókn sína til baka. Umsækjendur eru Agnes Jónsdóttir og Yadollah Zare.

Niðurstaða:

Þann 29. apríl 2019 gerði skrifstofustjóri fagskrifstofu leikskólamála sviðsstjóra grein fyrir niðurstöðu ráðningarteymisins. Við mat á umsókn og ráðningarviðtali var niðurstaðan að Agnes Jónsdóttir væri hæfust til að gegna stöðu leikskólastjóra í Funaborg.

Ákvörðun sviðsstjóra er að ráða Agnesi Jónsdóttur leikskólastjóra við leikskólann Funaborg frá 1. júní 2019.

Agnes lauk B.Ed. gráðu í leikskólakennarafræðum frá Kennaraháskóla Íslands 2003. Hún hefur starfað sem deildarstjóri í 9 ár, sem deildarstjóri og aðstoðarleikskólastjóri í fimm ár og sem aðstoðarleikskólastjóri í Sunnufold frá 2017, eða í tæp tvö ár. Agnes hefur því öðlast góða reynslu sem stjórnandi í leikskóla og hæfni hennar og reynsla af stjórnun er staðfest af umsagnaraðilum.

Við ákvörðun um ráðningu var byggt á kröfum sem fram komu í auglýsingu.